

Siunnersuummut oqaaseqaatit

## Oqaaseqaatit nalinginnaasut

### 1. Aallaqqaasiineq

Ingerlaqqilluni ilinniarnernik neqerooruteqartarnernik sukumiinerusumik malittarisassiorluni ingerlaqqilluni ilinniarnernit pillugit Inatsisartut inatsisissaattut siunnersuusiortoqarnikuuvoq. Siunnersuummi tassani ilaatigut ilinniarfiit sorliit ingerlaqqilluni ilinniarnernik neqerooruteqarsinnaanerat pillugu aalajangersakkat ilaapput. Siunnersuut taanna Inatsisartut 2018-imi ukiakkut ataatsimiinneranni suliarineqartussanngorlugu saqqummiunneqarpoq.

Inatsisartut 2016-imi Upernaakkut Ataatsimiinneranni inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerat pillugit Inatsisartut inatsisaanni (inuussutissarsiutinik ilinniarnernit pillugit inatsimmi) inatsimmik allanguisoqarneratigut qitiusumik inuussutissarsiutinullu ilinniarfiit ingerlaqqilluni ilinniarnernit ilaannik Kalaallit Nunaanni ilinniarfinit allanit neqeroorutigineqanngitsunik neqerooruteqarsinnaanermut periarfissaqarnerat ilanngunneqarpoq.

Marloqiusamik malittarisassiornissaq tamassumalu kinguneranik nalornissuteqarnissaq pinngitsoorniarlugit, ingerlaqqilluni ilinniarnernik neqerooruteqartarneq pillugu inuussutissarsiutinik ilinniarneq pillugu inatsimmi aalajangersakkat Ingerlaqqilluni ilinniarnernit pillugit Inatsisartut inatsisaata atuutilersinneqarnera peqatigalugu atorunnaarsinneqarnissaat naleqquttutut isigineqarpoq. Taamaammatt Ingerlaqqilluni ilinniarnernit pillugit Inatsisartut inatsisissaattut siunnersuummi tamanna pillugu aalajangersagaq ilannguteqqaarneqarnikuuvoq.

Ingerlaqqilluni ilinniarnernit pillugit Inatsisartut inatsisissaattut siunnersuummik inatsisilerinermi teknikkikkut misissuineranut atatillugu Siulittaasup Naalakkersuisoqarfiani Inatsisilerinermut Immikkoortortaqaarfiup inassuteqaatigaa, tassunga taarsiullugu inuussutissarsiutinik ilinniartitsinerit pillugit inatsimmut allanguutissamik siunnersuuteqarnikkut atorunnaarsitsineq pisassaaq. Tamanna siunnersuummik uuminnga suliaqarnermut tunngaviuvoq.

Siunnersuut taamaalilluni Ingerlaqqilluni ilinniarnernit pillugit Inatsisartut inatsisissaattut siunnersuutip kinguneratut isigineqassaaq.

### 2. Siunnersuummi immikkoortut pingaarnerit

a) Inatsit atuuttoq

Inatsit atuuttoq tassaavoq Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, kingullermik Inatsisartut inatsisaatigut nr. 6, 6. juni 2016-imeersukkut allanngortinneqartoq

b) Siunnersuut

Siunnersuummi siunertaavoq ingerlaqqilluni ilinniarnernik neqerooruteqartarneq pillugu malittarisassat taamaallaat ingerlaqqilluni ilinniarnernit pillugit inatsimmi allaqqassasut. Siunnersuut taamaammat ingerlaqqilluni ilinniarnernit pillugit Inatsisartut inatsisissaattut siunnersuutip kinguneranik naqqüneruvoq.

Tamanna pillugu allaaserinninneq pillugu immikkoortoq Aallaqqaasiut qulaaniittoq innersuussutigineqarpoq.

<b>Inatsisissatut siunnersuut inatsimmut atuuttumut sanilliullugu</b>	
	<b>§ 1</b>
	Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10, 19. maj 2010-meersumi, kingullermik Inatsisartut inatsisaatigut nr. 6, 6. juni 2016-imeersukkut allanngortinneqartumi, imatut allannguisoqarpoq:
<i>Imm. 6.</i> Qitiusumik inuussutissarsiutinillu ilinniarfiit Naalakkersuisut akuersereernerisigut ilinniakkat ilaat ingerlariaqqiffiusut assingusut Kalaallit Nunaanni ilinniarfinnit neqeroorutaanngitsut neqeroorutigisinnaalissavaat.	<b>1.</b> § 5, <i>imm. 6</i> , atorunnaarsinneqarpoq.
	<b>§ 2</b>
	Inatsisartut inatsisaat ulloq 1. august 2019 atuutilersinneqarpoq.

### **3. Pisortanut aningaasaqarnikkut allaffissornikkullu kingunissai**

Siunnersuut pisortanut aningaasaqarnikkut allaffissornikkullu kinguneqassanngilaq.

### **4. Inuussutissarsiutinut aningaasaqarnikkut allaffissornikkullu kingunissai**

Siunnersuut inuussutissarsiutinut aningaasaqarnikkut allaffissornikkullu kinguneqassanngilaq.

### **5. Avatangiisinut, pinngortitamut innuttaasullu peqqissusaannut kingunissai**

Siunnersuut avatangiisinut, pinggortitamut innuttaasullu peqqissusaannut kinguneqassanngilaq.

#### **6. Innuttaasunut kingunissai**

Ingerlaqqilluni ilinniarnernik neqerooruteqartarnej pillugu malittarisassat siunissami taamaallaat ingerlaqqilluni ilinniarnarit pillugu Inatsisartut inatsisaanni ataatsimoortinneqarnissaannik siunnersuut kinguneqassaaq.

#### **7. Kingunissai allat pingaaruteqartut**

Siunnersuut pingaaruteqartunik allanik kinguneqassanngilaq.

#### **8. Pisortanut kattuffinnullu tusarniaaneq**

Siunnersuut tusarniutigineqanngilaq, tassa Ingerlaqqilluni ilinniarnarit pillugit Inatsisartut inatsisissaattut siunnersuutip tusarniutigineqarnerata kingorna inatsisilerinermi teknikkikkut misissorneqarnerata kingorna siunnersuut aatsaat suliarineqarmat. Siunnersuummi tassani taamatut kinguneqartussamik aalajangersagaqarmat siunnersuutip uuma immikkut tusarniutigineqarnissaanik pisariaqartitsisoqanngitsoq isumaqartoqarpoq.

### **Siunnersuummi aalajangersakkanut ataasiakkaanut oqaaseqaatit**

#### *§ 1-imut*

Nr. 1-imut

Inatsisartut inatsisaanni atuuttumi § 5, imm. 6-ip atorunnaarsinneqarnerani siunertaavoq immikkoortumi marloqiusamik malittarisassiunnginnissap qulakkeerneqarnissaa. Atorunnaarsitsineq ingerlaqqilluni ilinniarnarit pillugit Inatsisartut inatsisissaattut siunnersuutip suliarineqarneranut atatillugu isigineqassaaq. Siunnersuummi pineqartumi siunertaavoq ingerlaqqilluni ilinniarnernik neqeroorutit ataatsimut isigalugit malittarisassiuussissaaq, taamaammallu inuussutissarsiutinik ilinniarnarit pillugit inatsimmi § 5, imm. 6-imi aalajangersakkami malittarisassap assinganik imaqarluni.

#### *§ 2-mut*

Siunnersuutip piffissaq atuutilersinnera ingerlaqqilluni ilinniarnarit pillugit inatsisissatut siunnersuutip piffissaq atuutilerfissaanut naleqqutunngorlugu aalajangersakkami allaqqavoq.